



Istinomjer <istinomjer@istinomjer.ba>

Medijski upit

Zlatko Trobonjača <zlatko.trobonjaca@medri.uniri.hr>
To: Istinomjer <istinomjer@istinomjer.ba>

Tue, Oct 27, 2020 at 10:45 AM

Draga Amina,

Šaljem odgovor.

Srdačno. Zlatko

- "Hercegovačko-neretvanski kanton, koji je žarište koronavirusa u Federaciji BiH, prema broju zaraženih i oporavljenih osoba je najvjerovatnije već stekao imunitet na Covid-19."
- "Nakon statističke obrade podataka i unosa učinka provedenih mjera dolazimo do vrlo zanimljive činjenice, da je na području HNK nakon 103 dana od pojave Covid-19 broj oporavljenih osoba dostigao potreban za kolektivni imunitet na Covid-19."
- "Činjenicu da smo postigli kolektivni imunitet opravdava i veliki broj osoba pozitivnih na Covid-19, ali bez simptoma, jer osobe koje su u prethodnom periodu prebolovale bolest, zbog ispoljavanja lakših simptoma nisu se obraćale ljekaru."

Kolektivni imunitet protiv SARS-CoV-2 virusa još nije ostvaren niti u jednom dijelu svijeta, pa ne vjerujem niti da je postignut u Hercegovačko-neretvanskom kantonu. Kolektivni imunitet za COVID-19 iznosi oko 60%, što znači da bi najmanje taj postotak ukupnog stanovništva trebao biti imun na ovu bolest da se nastanak epidemije spriječi. Kada epidemija traje, što je sada slučaj, taj postotak je i veći, pa je potrebno i preko 70% imunih pojedinaca da se epidemija zaustavi. Razlog tome je cirkulacija velikog broja infektivnih pojedinaca u populaciji koji mogu prenjeti bolest na zdrave. Budući da za sada nemamo cjepivo, imunost se može steći samo preboljenjem bolesti, što znači da je da je populacija Hercegovačko-neretvanskog kantona u ovom trenutku daleko ispod razine kolektivnog imuniteta. No, valja napomenuti da je besmisleno uopće govoriti o stjecanju kolektivnog imuniteta preboljenjem bolesti jer se on normalno ostvaruje imunizacijom putem vakcina. U suprotnom, čemu proizvodnja cjepiva.

Utvrđiti broj onih koji su preboljeli bolest simptomatski ili asimptomatski, nije lako. Za to se koriste tzv. serološka ispitivanja, odnosno u serumu (u krvi) ispitanika traže se posebni biljezi preboljele bolesti. Ti biljezi su zapravo antivirusna antitijela koja mi stvaramo u infekcijama. Ona su virus-specifična, što znači da u različitim virusnim infekcijama proizvodimo antitijela baš protiv tog virusa koji nas je zarazio. Pa tako proizvodimo i antitijela u infekciji sa SARS-CoV-2 virusom, koja ostaju dugo vremena (mjesecima ili godinama) u krvi kao znak da smo došli u kontakt s tim virusom. Prema tome, ovakvim bi ispitivanjem mogli utvrditi postotak od ukupne populacije koja je bila inficirana. No, da bi to učinili treba napraviti vrlo široko populacijsko ispitivanje koje bi uključilo različite teritorijalne skupine, urbane ili seoske, zatim različite socijalne skupine, primjerice učenike i umirovljenike, različite dobne skupine itd. Takva su ispitivanja vrlo skupa i traže velike kadrovske i istraživačke resurse, pa ih i puno bogatije zemlje u ovom trenutku ne provode. Koliko znam takvo ispitivanje nije učinjeno u Hercegovačko-neretvanskom kantonu, pa zato i ne postoje relevantni podatci o postotku imunih pojedinaca u populaciji ovog kantona, odnosno svi podatci koji se u tom smislu iznose potpuno su proizvoljni i netočni.

Konačno želim napomenuti da je odgovornost za javno izgovorenu riječ ili stav u ovom trenutku izuzetno važna, pogotovo ako dolazi od pojedinaca koji su uključeni u rukovođenje ovom dubokom zdravstvenom i socijalnom krizom. Svaka relativizacija ili umanjivanje opasnosti od ove opasne bolesti za koju nemamo pravog lijeka može rezultirati dodatnim rasplamsavanjem epidemije i povećanjem broja neželjenih ishoda. Takvi stavovi samo zbunjuju javnost te daju dodatnog prostora onima koji negiraju opasnost od ove bolesti i značajno otežavaju napore u suzbijanju epidemije.

Cijeli članak dostupan je na ovom [LINKU](#).

S tim u vezi, molimo Vas za komentar i mišljenje o navedenim tvrdnjama gospodina Alajbegovića.

Srdačan pozdrav,

Amina Izmirlić

--

Istinomjer.ba tim

Tel/Fax: 00387(0)33618461
Gabrielle Moreno Locatelli 21

71000 Sarajevo

Bosna i Hercegovina

--

Istinomjer.ba tim

Tel/Fax: 00387(0)33618461
Gabrielle Moreno Locatelli 21

71000 Sarajevo

Bosna i Hercegovina

[Quoted text hidden]